


SECTION

6

ABOSOMDIN NE
BRAGORU



AMAMMERƐ NE AMANNE NE AKANFO AMAMMU

AmammerƐ ne Amanne

NNIANIM

Saa ɔfa yi da Ghana mmusuakuw ahorow no abosomdin no adi wɔ bere a worehwe wɔn abɔse wɔ w'amammerƐ mu. Ebeboa wo ama woahu nea enti ne abosomdin ahorow no so mfaso. Saa adesua yi beboa ama woate din to ase na ama wode nnidi a ese fata ama Ghana amammerƐ ne amanne ahorow no. Ɔfa yi san kasa fa ɔkwan a yefa so pagyaw mmabunu kɔ wɔn mpanyin mfe so (Bragoru). Mpensempensemu yi behwe nneyee ahorow a eda adi wɔ: ansa na wɔbegoru bra, bragoru no ankasa enna bragoru no akyi dwumadi ahorow a ekɔ so wɔ w'amammerƐ ne afoforo de mu wɔ Ghana, Wobesan asua mfaso a ewɔ bragoru so ma asakyima, n'abusuafo ne ne kuromfo nyinaa. Esee se wutumi kyere nneema a esese ne nea eda nso wɔ ɔkwan a wɔfa so pagyaw mmabun kɔ wɔn mpanyin mfe so wɔ Ghana mmusuakuw amammerƐ ahorow no mu.

Adesua yi beko awiei no, na wutumi:

- Na yeasua abosomdin, wɔn abɔse ne wɔn dwumadi.
- Na wutumi pensempensem kwan ahorow a wɔfa so de ɔbabun bi kɔ ne mpanyin mfe (bragoru; Ansa na wɔbegoru bra, bragoru no ankasa enna bragoru no akyi dwumadi ahorow)
- Na wutumi ye ntotoho fa akwan ahorow a wɔfa so goru bra wɔ Ghana mmusuakuw ahorow no mu no.

Adwempɔw ahorow

- Abosomdin ahorow no abɔse gyina ɔbosom pɔtee bi so.
- Ayɔnkofa amapa da abosom ne wim atumfo no ntam.
- Wɔda wɔn abakɔsem adi kyere wɔn a wɔsom wɔn no.

- Bragoru ye Akanfo amammerɛ bi a wɔyɛ de pagyaw wɔn mmeawa ne mmarima kɔ mpanyin mu.
- Ɛsan nso kyere ɔkwan a wɔfa so gye onipa tom wɔ fekuw bi mu.
- Wɔgoru mmeawa ne mmarima nyinaa.

ABOSOMDIN

Wɔde edin ahorow bi to yen so esian twaka a ɛda yene wim atumfo bi ntam nti. Wɔfrɛ saa edin ahorow yi se **abosomdin**. Ansa na wobesua biribi afa abosomdin ho no, ɛsɛ sɛ wote asemfua abosom asekyerɛ ase yiye.

DƐn ne ɔbosom?

Abosom ye ahonhom a wɔtumi ye mmea anaa mmarimma. Wɔyɛ ewiem atumfo a nnipa a wɔwɔ gyidi bi sɛ biribiara a ɛbɛkɔ so wɔ wɔn asetena mu no, ɛyɛ ade a abosom no betumi ayɛ ho biribi nti na wɔsom wɔn. Saa abosom yi wɔ honhom mu tumi kɛsɛ. Yɛtaa de ɔsom mu gyidi ne emu nnwuma ahorow no gyina hɔ ma wɔn abosom. Saa ahonhom yi tumi ye mmea anaa mmarimma. Ɔsom mu ahonhom a wɔyɛ mmarimma no mu bi ne Zeus, Apollo, Athena, Aphrodite, Artemis, ne nea wɔkeka ho. Ghanaman yi mu, mantam anaa abusuakuw biara wɔ abosom a wɔgye wɔn di. Abosom a wɔagyɛ din pa ara wɔ Ghanaman yi mu no na edidi so yi:

- i. **Ga:** Dantu, Nae, Klote, La Kpa, ne wɔn a wɔkeka ho.
- ii. **Akan:** Kune, Tegare, Nyamaa, Antoa, ne wɔn a wɔkeka ho.
- iii. **Dagomba:** Tambo, ne wɔn a wɔkeka ho.

Abosom a wɔagyɛ din pa ara bɛn na wɔwɔ wo kurom?

Abosomdin Ahorow

Wɔgyina gyidi ne ɔsom ahorow so na ɛde abosomdin to nnipa binom. Abosomdin ye edin pɔtee bi a abusua, kurow, ɔsom anaa nnipakuwbi de to wɔn ho ɛnam twaka a ɛda wɔne abosom no ntam nti.

Abosomdin ahorow no ho nhwɛso

Nea edidi so yi ye Abosomdin ahorow a ɛwɔ Ghanaman mu:

1. Ewefo mmusuakuw no mu biako a ɛde Anlo a ɛwɔ Firaw Mantam mu no som bosom bi a wɔfrɛ no ‘Afa’ a ɛkyerɛ se ofi onyame hɔ na ɔsan ye Abakan ma anyame ‘Bokɔ’ no din de ‘Amuzu’.

2. Akanfo mu nso, wɔde abosomnini ne abosombere din gyina hɔ ma nna ahorow no. Enam yei nti ɛda a yede wo obi no tumi nya nsunsuanso wɔ ne din so. Sɛ ebia, ‘Adwo’ yɛ ɔbosom a ogyina hɔ ma Dwowda, ne saa nti, wɔde edin ‘Adwoa’ to ɔbea a na yewoo no Dwowda, enna sɛ ɔye ɔbarima nso a, wɔto no edin ‘Kwadwo’.

Bobɔ abosomdin ahorow a ɛwɔ soro hɔ no mmiako mmiako. Ma wo kyerekyerɛni ntiɛ senea wosi bobɔ edin no. Wunim abosom bi a wɔwɔ wo kurom anaa wo mpɔtamɔ din?

Abosomdin ahorow abɔse

Abosomdin ahorow no da nso fi ɔsom ahorow mu a egyina wɔn a wɔto edin no gyidi ne wɔn amammɛɛ so. Sɛ ebia, Ewefo mu no, wɔn abosomdin abɔse ne Yeye (Agradaa Nyame), Akanfo nso nya wɔn abosomdin fi asuo ahorow mu enna Dangmefo nso nya wɔn abosomdin fi Ɔbɔade Nyame hɔ ne nea ɛkeka ho.

Wunim din no abɔse?

Nea enti a wɔto abosomdin

Wɔgyina nneema ahorow so na ɛto abosomdin. Wɔto nnipa abosomdin de kyere dwuma a ɔbosom no di anaa ne tumi. Ebi nso gyina mmoa bi a wɔnya fii ɔbosom no hɔ so enna ebi nso da nnipakuw bi amammɛɛ so ana senea ɔbosom bi si te. Bio, awarefo bi nnya awo a wɔkɔ abosom nkyɛn kɔpɛ mmoa. Wɔhyɛ bɔ wɔde wɔn ba na ɛto ɔbosom no de di wɔn bɔhyɛ no so.

Abosomdin to ho mfaso

Abosomdinto so wɔ nsunsuanso kɛse wɔ nnipa ahorow a wɔsom wɔn no abrabo so.

Mfaso ahorow a wɔn a wokura abosomdin no nya wɔ wɔn din no so na edidi so yi:

1. Yɛdehyɛ wɔn nso. Abosomdin boa ma yehu bosom pɔtee a obi som no ne beaɛ a onipa no fi.
2. Ɛkyere twaka a ɛda onipa bi ne ɔbosom no ntam.
3. Abosomdinto boa ma amammɛɛ ne ɔsom ase tim ne nea ɛkeka ho.
4. Ɛda awofo no gyidi a wɔwɔ wɔ ɔbosom no mu adi.
5. Abosomdinto boa ma nea okura abosomdin no nya ahoɔden, ahobammɔ ne honhom mu tumi.

Dwumadi 6.1

1. Fa w'ankasa nsemfua kyerekyere asemfua 'ɔbosom' mu.
2. Montena baanu baanu, monkyerew edin ahorow du na monkyere abosomdin ahorow a ewowom.
3. Fa abosomdin ahorow a wuhuu no toto wo mfefo a woye Akanfo de ho. Kae se wone w'afefo bekye adwen afa wo mmuae no ho.
4. Wowo abusuadin a eye abosomdin ana? Kyere wo din no abose. Se wunni bi nso a, fa abosomdin a wokyerewee no wo (2) no na kyere n'abose.

Dwumadi 6.2

Fa mmuae a efata wie pon yi mu dwumadi wo bere a worekyerew abosomdin anum, won abose ne won dwumadi.

	Abusuakuw	ɔbosomdin	N'abose	Ne Dwumadi
1				
2				
3				
4				
5				

Dwumadi 6.3

1. Kyere ade biako a ema nnipa binom ne abosom ye apam wo wo kurom.
2. Kyerew mfaso abiɛsa (3) a wonya fi abosomdinto so.

BRAGORU

Saa ofa yi kasa fa kwan a wofa so pagyaw mmabunu ko won mpanyin mfe so wo bere a yerehwe dwumadi ahorow a eko so ansa na wabegoru bra, bragoru no ankasa enna bragoru no akyi wo ahorow so.

Nnwennweneho asemmisa:

Wokae nsakrae abiesā (3) bi a εbaa wō wo nnipadua mu wō bere a wodii mfe 10 kosi 14 no?

Den ne Bragoru?

Bragoru ye Akanfo amammere bi a wōye de pagyaw wōn mmeawa ne mmārīma kō mpanyin mu. Mpen pii no etaa si wō mmeawa a wōadi mfe 10-14 enna mmārīmma a wōn nso adi mfe 12-16 (Eyi nye nokware mma nipa nyinaa).

Nsakrae a εda adi wō mmeawa nipadua mu

Nsakrae a εda adi wō mmeawa nipadua mu no bi na edidi so yi:

- Wōn sisi akyi trew
- Wōn asere ye akese
- Wōn to nso yeye akese nkorowakorowa
- Wōbu wōn nsa a edi kan
- Wōn nufu yeye akese
- Nhwi fu wō wōn bea so ne wōn mmōtoam.

Nsakrae a εda adi wō mmārīmaa nipadua mu

Nsakrae a εda adi wō mmārīmaa nipadua mu no bi na edidi so yi:

- Wōn tadia ne wōn hwoa yeye akese.
- Nhwi fu wō wōn tadia so ne wōn mmōtoam.
- Wōn koko ne wōn mmati yeye akese
- Wōn honam mu ntini nso mu ye den
- Wōn nne mu ye du
- Wōye tenten
- Wōfu abogyese

Saa nsakrae ahorow yi kyere abrabō mu kankō bi a yefre no **Bragoru**.

Bragoru

Bragoru ye Akanfo amammere bi a wōye de pagyaw wōn mmeawa ne mmārīmaa kō mpanyin mu. Eyi ye amammere ne amanne a εkō so wō abadinto akyi a epagya no fi mmofra mu kō mpanyin mu.

Pon 6.1 a εω fam ha no kyerekyere edin ahorow a wode ma bragoru wo mmusuakuw ahorow a εω Ghanaman ha no.

Mmusuakuw	Edin a wode ma mmeawa de	Edin a wode ma mmarimaa de
Ewefo	Gbotowowo/Tugbewowo	Tudedeasi
Krɔbofo	Dipo	
Fantefo	Bragor	
Twifo	Bragoru	
Akpafufo	Iseyi	
Nkranfo	Otofo/ Otsentse	Plamatsemo/Butrumwɔɔ/ Dɛntuwoo
Sissalafo	-	Baala
Vaglafo		Pellaa

Sen na wosi fre saa amammere dwumadi yi wo wo kasa mu? Woye saa amanne yi ma mmeawa ne mmarima.

Dɛn ne Nnyetom?

Nnyetom ye dwumadi anaa nseɛnkyerenne a woye de ma onipa bi de yi no fi tebea bi mu ko tebea foforo mu wo abrafo mu a wotaa fre no obra kanko mu. Yetumi gye obi tom de no hye adwumakuw sononko bi, kokoam adwumakuw anaase wobɔ no asu de gye no tom wo osom bi mu. Mmom, nyetom a yereka ho asem no wo ha ye nea yede begye mmabunu fi mmofra mu ko mpanyin mu.

Okwan a wofa so gye obi tom

okwan ahorow a wofa so gye obi tom te se bragoru no da nso fi afoforo de ho. Ahoboa ahorow a woye ansa na wogoru bra, bragoru no ankasa ne bragoru no akyi na yerebeka ho asem yi.

Bragoru Ntotoho: Nea Esese

Okwan a wofa so goru mmeawa bra:

1. Ansa na wobegoru bra no mu dwumadi

Awofu hu nsakrae bi wo won mmammea nnipadua mu a, woye ase ye ahoboa.

Mpen pii no se abeawa no bu ne nsa a edi kan a, wode no fa saa amammere ne amanne dwumadi ahorow a edidi so yi mu:

- a. Nea edi kan no woyi mmeawa no fi abusuakuw no mu kohye baabi siesie won ma bragoru dwumadi no.
 - b. Mmeawa no awofa kobo mpanyimfo anaase Nsumankwaahene a eye n'asede se odi saa dwuma no amanne.
 - c. Mmea mpanyimfo binom a wowa kurow no mu de asakyima no hye dan mu kyerekyere won abrabo pa ne mmea awarefo asede senea ebeye a woko aware a wobetumi ahwe won afi so yie.
 - d. Wokyerekyere asakyima anaa mmeawa yi ofi dwumadi bi te se aduanna, apra, atomasi ne ahonnidi ne nea ekeka ho.
 - e. Wokyerekyere mmeawa yi nsaanodwuma bi te se kete nwene, aheneye, kukunwene, tibo ne nea ekeka ho.
 - f. Wosan sua won kurom nnwomto ne asa.
 - g. Wokyerekyere won mpa so nkitahodi de siesie won ma won daakye akununom.
2. Bragoru no ankasa mu dwumadi

Bragoru no ankasa mu no, obeapanyin ana okomfo di dwuma a edidi so yi de gye mmeawa no tom.

Ogu nsa de sre odo ne ahobammoo fi nananom abosom ho ma asakyima no ne bragoru dwumadi no. Nsagu no akyi no, wode fa honhom mu dwumadi ahorow a edidi so yi:

- a. Woye honhom mu amanne bi de hwe se mmeawa no mu biara mfaa obarima da. Woye eyi wo bere a woma wotena obo tumtum bi so na afei waguare asu mu anaa po mu ne nea ekeka ho.
- b. Okomfo no anaa obeapanyin no yi won ti nhwi nyinaa ma won.
- c. Woma asakyima no tena asesequa anaa bonwoma so wo bragoru no mu.
- d. Woma won nnuan bi te se nkesua ne nea ekeka ho.
Woye saa honhom mu dwumadi yi wie a, wode Akanfo afade te se kente, nhenepa ne mpomporanne ahorow siesie won ho fefefe.
- e. Wobo gua dataa de hye won anuonyam san de gye won ba mpanyin mu.
- f. Wode nhenepa ne kente a ete apo siesie asakyima yi ho wo aguabo ase san yiyi won mpokua ne won honam akwaa no so de da no adi ma mmarima hwe gyina so pe won mu bi a wobeware won daakye.



Mfonini. 6.1: *Mfonini yi ye Krɔɔfo mmeawa bi a wɔregoru wɔn 'Dipo' na wɔresan dwira wɔn.*

Mfonini a ɛwɔ fam ha yi ye mmeawa a wɔagoru wɔn bra awie



Mfonini 6.2. *Mfonini yi kyrere mmeawa a wɔde nhenepa asiesie wɔn ho no bi. (Bragoru)*

Bragoru no akyi dwumadi

- Bragoru no akyi no, mmeawa a wapagya wɔn kɔ wɔn mpanyin mfe so no ne wɔn abusuafo ne wɔn nnamfonom kyinkyin kurow no mu kɔdeda ɔmanfo no ase.
- ɔmanfo no de akyede ahorow ma wɔn de bɔ wɔn aba so se wɔafa bragoru dwumadi no mu asomdwoe mu. Akyede ahorow no mu bi ne sika, nhenepa, duku ne nea ɛkeka ho.



Mfonini 6.3. Eyi kyere mmeawa a wɔagoru wɔn bra awie a wɔde kente asiesie wɔn ho. (bragoru)

Bragoru Ntotoho: Nsonsonoe a ɛda bragoru dwumadi ahorow a ɛwɔ Ghanaman yi mmusuakuw mu.

Sɛ yɛde dwumadi ahorow a ɛsese no to nkyɛn a, yɛwɔ dwumadi ahorow no bi nso wɔ hɔ a ɛda nso fi afoforo ho. Saa dwumadi no bi na edidi so yi.

Ewefo

1. Sɛ wɔde nnawɔtwe anaa bosome beye bragoru dwumadi bi gyina nnipa anaa botae a ɛtaa akyi no so.
2. Wɔde mmeawa a wɔagoru wɔn bra no kɔtena afikyiri ma wɔn nnamfonom begoru de gyegye wɔn ani wɔ bere a wɔte afikyiri hɔ no.
3. Bragoru dwumadi no mu no' kesua a wɔde ma wɔn di no gyina hɔ ma awɔɔ.

Krɔbɔfo

1. Krɔbɔfo yɛ Dipo ma wɔn mmeawa wɔ bere a wɔn bosombere Nene Kloweki soma ma wɔde ato gua sɛ obiara a ne ba aso sɛ yɛgoru no bra no mfa no mmra. Wɔde nnanum na edi saa dwuma yi wɔ Ogyefo bosome no mu.
2. Ansa na bragoru no ankasa bɛkɔ so no, awofɔ ahorow de wɔn mmammea no kɔkyere wɔn abusua akɔmfo a wɔhwe yɛ 'Dipo' no.
3. Bragoru ankasa dwumadi mu no, akɔmfo gu nsa, yɛ nyankomade ahorow san yi mmeawa no ti ho nhwi na wɔde wɔn atena bɔnhoma so ne nea ɛkeka ho.

Nkranfo

1. Nkranfo nso ye Ofofo de ma won mmammae wo bere a wanyini.

Akanfo

1. Akanfo nso de nnawotwe na edi saa dwuma yi wo bere a woye ase Dwowda anaa Benada.
2. Ansa na wobegoru bra no, wode mmeawa no ko ohemee ho ma no ye honhom ne honam mu nhwehwemu fa won ho de hwe se woye mmaabunu anaa wonnyenyem nso.

Okwan ben so na Akuapemfo si goru won mmammae bra?

Okwan a yefa so goru mmarmaa bra

Okwan a yefa so goru mmarmaa bra no nye ade a etaa ko so wo Ghanaman mu mmusuakuw ahorow no amammere mu. Mmusuakuw kakra a wodi saa dwuma yi bi ne Ewefo a wofre saa amammere ne amanne no "Tudedesi". Sissalafu nso fre no Baala, Nkranfo nso fre no Plamatsemo/Butrumwo/Dentwoo enna Vaglafo nso fre no Pella. Bra a wogoru ma mmarmaa no ntaa nye aguabo ase dwumadi. Nhweso, Ewefo mu no, otu a wode ma abarimaa a wogoru no bra no wofre no 'Tudedesi'. Ese se ode saa otu yi bo n'abusuafu ho ban na osan nso de ye ha.

Akwan ahorow a wofa so di saa dwuma ahorow yi na edidi so yi;

1. Wode abarimaa no kosie baabi
2. Wokyerekyere no biribi fa mmarmaye, asede ne mpam agodi ho
3. Wopagya mmarmaa no ko won mpanyin mu
4. Woye won den wo honhom ne honam mu
5. Wokyerekyere won amammere ne amanne nso

Akwan ahorow a wofa so di saa dwuma yi da nso wo mmusuakuw ahorow bi de ho wo Ghanaman mu ha.

Bragoru So Mfaso

1. Wode pagyaw mmabunu ko mpanyin mu.
2. Wonom so nya nimde ahorow de bo won bra.
3. Wode kyere se obabunu bi aso aware.
4. Wode siesie mmabunu wo honhom ne honam mu ma aware.
5. Wode kyerekyere mmeawa ne mmarmaa no subanpa ne abrabopa.
6. Wode kyerekyere mmabunu no won amammere ne won amanne.
7. Wonom so de si mmabunu abrabo bone ne subammone ano kwan.

8. Enam so ma mmeawa no nya dwetiri de bɔ bra daakye.

Dwumadi 6.4

Kyerew din a wɔde ma bra a wɔgoru de ma mmeawa ne mmarimaa na wo ne mfefo nkye adwen wɔ ho.

Dwumadi 6.5

1. a. Montena akuwakuw na monhwɛ mfonini no yie na monka wɔn afade no ho asem. Ka nneema a w'ani gye ho wɔ wɔn afade no ho asem.



- b. Kyere mfaso a ɛwɔ afade ahorow a wɔde adi dwuma biako ho asem.
2. Hwe sini a ɛfa Akanfo bragoru no wɔ ha: <https://www.youtube.com/watch?v=zpTdowLmxN8>.
- a. Den na wɔtaa ye ansa na bragoru no ankasa akɔ so.
- b. Hwe sini a ɛfa bragoru ho no ma w'ani nkɔ dwumadi ahorow a wɔye no wɔ bere a wɔregoru bra no ankasa mu ne bragoru akyi.
- c. Kyerew dwumadi abien (2) a wuhuu no wɔ sini no mu:
- i. Bragoru no ankasa mu
 - ii. Bragoru no akyi
- d. Wone wo mfefo nkye adwen mfa sini a wohwɛe no ho ne titiriw , nneema a esese ne nea ɛda nso fa bragoru a ɛkɔ so wɔ Ghanaman mu ha mmusuakuw no mu ho.
3. a. Hwe mfonini no:



b. Gyina nea woasua no so na kyerekyerε nea erekε so wε mu?

Dwumadi 6.4

Kyerεw nsonsonoe ne nea εsese abien abien fa okwan a wεfa so pagyaw mmabunu kε mpanyin mu. Wε Akanman mu ne mmusuakuw a wεwε Ghanaman yi mu de ho. Wone wo mfefo nkyε adwen mfa ho.

Dwumadi 6.5

Sε woyε obi a woasua Akuapem Twi kasa yi, kyerekw nneεma abiesε abiesε a εfa bragoru dwumadi no ho a wobεpε sε wobεsakra mu anaase εbεwε ho na kyere nea nti a woka saa . Wone wo wo mfefo nkyε adwen mfa ho.

MMƆAKYIRI NSEMFA

MmƆakyiri nsemmisa a efa abosomdin ho

1. Kyerew abosomdin a nnipa binom de ato wɔn ho se abusuadin wɔ w'abusua ne wo kurom.
2. Kyerew Akanfo din ahorow anum na kyere wɔn abɔse.
3. Kyerew ɔbosombere bi din na kyere edin ahorow abiesɛ a wɔde gyina ho ma no.
4. Kyere nea enti a nnipa binom gye ɔbosom bi tom na wɔde ne din to wɔn mma wɔ wo kurom.
5. Kyerew mfaso abiesɛ a nnipa wɔkorɔ a abosomdin da ne so no nya.

MmƆakyiri nsemmisa wɔ bragoru ho

1. Gyina w'ankasa ntease so kyerekyere bragoru mu.
2. Kyerew na kyerekyere bragoru so mfaso anum ma wo kuromfo. Aden nti na eyinom ye mfaso?
3. Bragoru dwumadi no fa ben na wope se wɔsakra mu.? Kyerekyere wo mmuae no mu.

MMƆAKYIRI NSEMMISA HO MMUAE

Nsemmisa a efa abosomdin ho no mmuae

1. Abosomdin ho nhweso ahorow (Kyerew wo mmuae no wɔ Akuapem Twi mu).

Abosomdin a nnipa bi de to to wɔn ho se wɔn abosomdin. Nhweso:

Akakpo, Amuzu, Yewenyo, ne nea ekeka ho (Ewefo)

Tano, Afram, Oti, Pra, ne nea ekeka ho (Akanfo).

2. Abosomdin anum ne wɔn abɔse wɔ Ghanaman mu ha no bi ne:

Fa abosomdin anum ne wɔn abɔse wie pono yi so dwumadi no

	Abosomdin	N'abɔse	Ne dwumadi
1	Se ebia: Akakpo	'Afa', ɔye ɔbosom ofi Onyame ho	Edin a yede ma obi a ɔsom bonsom Afa babarima a odikan
2	Se ebia: Afram	Ɔbosom a wɔde gyina ho ma eɔa (Benada)	Edin a wɔde ma barima a wɔwoo no Benada
3			
4			
5			

3. Nhweso, *Akanfo mu no Adwo ye ɔbosombere*
4.
 - i. Nnipa ne abosom ye apam de pe awerekyekyere ne ahobammɔ wɔ mmere bɔne mu.
 - ii. Wɔnam so de kyere ahofama ne nnidi a wɔwɔ ma abosom no esiane nnepa a wɔye ma wɔn no nti.
 - iii. Wɔde pe honhom mu bammɔ.
 - iv. Wɔnam so de di wɔn bɔhye so ne nea ekeka ho.
5.
 - i. Abosomdinto boa ma yehu ɔbosom pɔtee a saa onipa no som no.
 - ii. Abosomdin boa ma amammerɛ ne amanne ase tim.

- iii. Abosomdin de honhom mu ayɔnkofa beto onipa a okura abosomdin no ne saa ɔbosom no ntam.
- iv. Wɔwɔ gyidi bi se abosomdin boa ma onipa no nya ahɔden, ahobammɔ ne honhom mu tumi.
- v. Abosomdin de nkabom sononko ba nnipa ahorow a saa ɔbosom no din da wɔn so no ntam.
- vi. Abosomdin ahorow a yede toto nkyirima no boa ma amammerɛ ne ɔsom ahorow ase tim a enyera da.

Mmɔakyiri nsemisa a efa bragoru ho

1.
 - i. Bragoru ye Akanfo amammerɛ bi a wɔye de pagyaw wɔn mmeawa ne mmарimaa kɔ mpanyin mu.
 - ii. Bragoru ye Akanfo amammerɛ bi a wɔye de pagyaw wɔn mmeawa ne mmарimaa kɔ mpanyin mu.
 - iii. Bragoru ye dwumadi wɔye de gye mmeawa ne mmарimaa tom de wɔn kɔ mpanyin mu.
2. Bragoru so mfaso;
 - i. Ehye mmарimaa ne mmeawa no ma wosua suban pa ne titiriw ne se wɔbetwe wɔn ho afiri nna mu nsem ne mperewa nyinsɛn a ede ɔhaw bebba n'abusua ne ɔman mu no nyinaa so.
 - ii. Enam so ma mmeawa no nya dwetiri de bɔ bra daakye.
 - iii. Bragoru boa ma mmabunu hu wɔn amammerɛ ne wɔn amanne na wɔnam so sua ɔkwan a wɔfa so hye ntade, kyeneka, asaw ne nea ekeka ho.
3. Bragoru dwumadi no fa ben na wobere se wobeyɛ nsakrae wɔ mu.
 - i. Sukuu kɔ boa ma mmeawa no were tumi firi se wɔbema wagoru wɔn bra ansa na wahye sukkuu ase.
 - ii. Eɛ se mpanyimfo a wɔhwe ma wɔgoru bra no te nna dodow a wɔde goru bra no so.
 - iii. Kosua a wɔmene no betumi de ɔhaw abre mmeawa ne saa nti, wɔnya nsakrae wɔ mu.
 - iv. Mmeawa no nufu a wɔyiyi to so no betumi ama onipa bɔnefo bi adi wɔn bɔne. Eho hia se wɔkata wɔn ho yie.

REFERENCES

Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.

Nukuknya, G.K. (2007). *Tradition and change in Ghana: An introduction to sociology*. Ghana Universities Press.

Twumasi, K.D. & Adade, C. (2019). *Social studies in scope for JHS 1-3*. Kinddeh.

ACKNOWLEDGEMENTS



Ghana Education Service (GES)

